

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

- 1. Tasiilami eqqaanilu nannunik piniarfiit Zone 1, 2, 3-ngorlugit inissinneqartuupata qanormita Naalakkersuisut eqqarsaatersuuteqarpat?**
- 2. Naalakkersuisut Tasiilami eqqaanilu nannuttassat amerlineqarnissaannut pilersaaruteqarpat?**
- 3. Qulaani taaneqartuni Naalakkersuisut pilersaaruteqanngipata, qanoq ilillugu piniartut nannunik pisassat nungukkaangata pisaqaqqusaajunnaartarneri, Naalakkersuisut taarsiisummik aningaasatigut ikiorsiisarniarpat?**

(Inatsisartunut ilaasortaq Gerth Mikaelson, Naleraq)

Tunngavilersuutit:

Tasiilami eqqaanilu upernaaq naanngitsoq pisassat nunguttalernikuupput, nannut takkuttartut amerlingaarmata. Taassuma pissuterpiaa tassaavog, ukiuni kingullerni pingajoqqat, marloqqat pisareqqusaajunnaarmatali nannut assut malunnaatilimmik amerleriarnikuupput, allaat kujataani Nanortallip eqqaanilu takuneqartalerlutik.

Zone-lersuinissamut apeqquteqarnera pissutigaa Tasiilami eqqaanilu pisassat nungukkaangata ukiup sinnerani piniariarfinni nanoqartartigisoq pisaqaqqissinnaajunnaarnikuupput, naluneqanngitsutuut Tasiilap eqqaa tuttoqaranilu umimmaqanngilaq, taamaattumik neqissaqarniarneq eqqarsaatigalugu, piniartukkormiullu tunisisinnaassusai killeqartarmata taamatut apeqquteqaateqarpunga.

Kingullertut nunatta sinneratuut Tasiilami eqqaanilu inuit immikoortinneqassanngippata, pisassai taama killilersorneqartigippata aningaasatigut killilerneqartarmata, tamakkua aaqqiiviginiarlugit piniartut qanoq ikiorserneqartassarsinnaanerannik noqqaasarput. Aningaasanimi isertitsissutissaqanngillat allanik kisianni piniakkaminnik. Kiisalu piniakkat angisuut naluneqanngitsutuut mamarineqartuupput. Tunumilu piorsarsimassutsitta ilagaat piniakkanik angisuunik peqqumaateqartarneq. Ukiuni kingullerni



peqqumaateqartoqarpiarneq ajorpoq. Pisiniammi erngerlutik nunguttarpaat tuniniaasoqaraangat.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Nutserinermi paatsuungasoqassatillugu kalaallisut allassimasoq aallaavigineqassaaq.